

新刻羣音類選

新刻羣音類選清腔卷七

虎林

胡氏

文會堂

校選

小令

仙呂

桂枝香四首附玉芙蓉一首

闌情

冤家要去，留他不住，在跟前巧語花言，一味裡推三阻四，平白地要離，平白地要離，不知他是何主意，想他別尋佳配，負心的，你往天邊去，妾身也插翅飛，非才非勢，真心真意，倘冤家別戀娉婷，倒說我不仁不義，一時間要離，一時間要離，留他不住，盼他無計。

負心的、總然是妾情兒淺、當念一夜同衾、百夜思、
沒情沒緒、翻來覆去、不知他因甚丟開、莫非我有些
不是、這話兒怎題、這話兒怎題、傷情傷意、把我一時
拋棄、狠心的、總然是妾有些兒過、難道當初沒好時、
櫻桃口、哺丁香、舌吐記、當初密語調情、今日裡將奴
辜負、不知他為何、不知他為何、莫非被人嫉妒、見他
無路、事模糊、本待要丟開罷、思量他身又孤、

相思恨會遲、又早分離去、似鴛鴦雙雙交頸蓮池、誰
知又遇強風起、一個東來一個西、無人處、泪珠暗垂、
只想他溫柔軟款、俊麗兒、

前腔八首

世英

胡全菴

炎涼世態不先門外，妻子因貴樂勤勞，弟兄為貧疎。
友愛看將來可哀，看將來可哀，古方何在，大綱日敗。
欲安排，把覆雨翻雲手，做光風霽月懷。

衣衫可敬家聲不問，雪中送炭誰甘，錦上添花獨盛。
想貴人賤時，想貴人賤時，願資窮困，及登高峻便忘。
情自有王侯侶，何曾念故人。

纔高一步，輕狂無數，搖頭擺尾堪伶，仲態粧腔不顧。
將故人頓踈，將故人頓踈，那些個寬容矩度，只落得。
傍人笑惡，這等薄情徒，料想難凝福，空將遠到圖。

得新忘舊，到前丟後，妄想處一味驕矜，滿意時十分馳驟，循環否泰，循環否泰，你今日也是當年遺漏，我後日焉知不比，你今時榮茂，好追求，性分難加損，何須效淺流。

主衰奴橫，人衰鬼弄，林稀鳥去，巢栖官滿，吏疎承奉，况冰山仗他，况冰山仗他，勢難久永，何須賣寵論窮通，命各生成在，誰言才不同。

門無客到，坐多歡笑，一貧一富何如，不弄不趨方妙，看誰能久要，看誰能久要，義如金寶，利如蒿草，任道識破浮雲態，算瓢且絕交。

才高倖短，忘情轉眼，尊俎中暗伏干戈。唇舌間，渺然
褒貶，起風波等閒，起風波等閒。春生笑臉，中懷陰險，
最堪嫌。對面情難測，同心話未然。

樂時趨首，難時避後，打外拐反，吠神堯趨下流。辜
惡紂，慣將恩變仇，慣將恩變仇，不居差謬，好粧詭誘。
假風流，手段將天拆，行藏使鬼愁。

前腔四首 閨情

唐伯虎

蓮壺漏啓，薰籠香細，寒生小閣春殘。人在遼陽天際，
看鞦韆影度牆，看鞦韆影度牆，無奈芳心搖曳，又早
一番花事，到薔薇，摘花浸酒，春愁重，燒竹煎茶，夜臥

遲

紅樓凝思綠陰鋪地輕黃落盡蜂鬚淡粉烘乾蝶翅
見雕梁燕兒見雕梁燕兒副營新壘困人天氣薄情
的何處章臺路飛花襯馬蹄

芳春將去玉人歸未心隨柳絮飄揚貌與梨花憔悴
嘆幽閨夢迷嘆幽閨夢迷怎識關河迢遞音書難寄
意如痴怪殺雙鷓鴣橫塘只並飛

封侯未遇王孫何處綠楊葉底風光紅杏梢頭春意
惜芳菲又歸惜芳菲又歸滔滔逝水我欲留無計漏
遲遲宿鳥驚枝去殘燈落燼時

前腔二首 美人

沈青門

翠紗裁扇，銀蝸新篆，誰教半掩芳容，故把秋波隔斷。
見香唇咲開，見香唇咲開，一似小桃初綻，蕊心紅嵌。
俏嬋娟，莫便頻留顧，令人幽思牽。

玉容梅襯，絳唇桃印，翠粘九暈輕鈿，綠映宮鴉雙鬢。
偶回頭咲生，偶回頭笑生，更有百般丰韻，教我意狂。
身禁暗沉吟，他好似一片巫山月，東風雪後雲。

前腔一首 相思

常思常念，夢中相見，只因他可意着人，閃得我不茶
不飯，這病兒好難，這病兒好難，何曾經慣，一時不見。

勝如半年，惹情牽，好對鴛鴦伴，何時共枕眠。

二犯桂枝香四首

四景閨情

秦憲副

韶光似酒醉花酣，柳無端幾許閑愁，贏得芳容消瘦。
休休雲情雨意無盡頭，三春有約君記否，倚闌干疑
翠眸，鶯兒有偶，燕兒有儔，青鸞孤影，教人可羞薄倖
今何在，空餘燕子樓。

池塘畫水薰風南送，春纖倦撥冰絃，懶把霜紈搖動。
眉峰堆堆積積，愁萬重，翻思往事如夢中，好姻緣難
再逢，竹搖新粉，榴噴火紅，荷香浮動，綠陰正濃，自別
東君後，金尊幾度空。

月懸冰鏡，疎星耿耿。良宵院落沉沉立。盡梧桐清影，傷情西風敗葉，和雁聲銀床冷落。秋漸深，數歸期，心暗驚。紅蓮落盡，黃花滿庭。海棠開後，望伊到今，恨殺音書斷。秦樓怕有人。

鴛鴦霜重，翠衾寒擁。香肌半貼珊瑚一線紅。冰含凍浮踪，飄揚柳絮，心性同。無些準繩，西復東。海山盟，都是空。窓兒裡，月簷兒外，風相思，滋味。這回轉濃，正好朦朧睡。寒山寺已鐘。

前腔一首

閨怨

舊愁覺可，新愁怎妥。我和他辨個真心，未必他心似。

我哥哥當初不合情恁多，一些顧盼忒認過。到如今
可奈何，只落得眉兒上鎖，心兒裡窩。指兒上數，口兒
裡哦。這段風流債，今生了得麼。

傷粧臺四首 相思

幽閣百花濃，銀床水簟綉芙蓉。翠翹歌雀雲撩亂，水
晶雙枕墜釵橫。青樓朱箔天涯遠，隔斷巫山幾萬重。
畫廊人靜，難禁午風飛紅，冉冉度簾櫳。

含咲捧歌鐘，步搖金珮響玲瓏。別來蕙帳餘清夜，銀
缸花落幾番紅。身無彩鳳雙飛翼，何處桃源有路通。
綠陰庭院，何時再逢，玉笙吹徹月朦朧。

無睡數流螢，乳鴉啼散玉屏空。舞衫清露涼金縷，層樓十二與誰同。彩毫欲寫離情寄，羞絨鸞牋托雁鴻。更闌香燼，朱戶懶扃，秋聲何處響梧桐。

舊日畫橋東，朱門曾繫五花驄。醉醒錦袖籠香晚茗，甌翻雪小房櫳。風流回首空陳迹，愁對寒山數點峰。闌干倚遍，相思轉濃，梅花枝上雪初融。

羅袍落粧臺四首

閨怨

趙近山

畫樓幾陣東風峭，閑庭一樹海棠嬌。羅衣初試玉肌消，春夢裡多顛倒。天涯人遠，雲山路遙，草生階砌鶯啼柳梢。畫長人靜，愁多少，珠簾不捲，殘紅亂飄，可憐。

寂寞又今宵

涼亭風送荷香細，綠槐韻轉鳥聲微。去年共賞碧筒
卮，空悔恨輕拋去。齊紈小扇，離懷懶題香脂金粉，心
煩懶施。幾曾經此愁滋味。池塘蛙鬧，黃梅雨霏，南軒
鎮日畫簾垂。

西風落葉疎林外，淒清聲韻入愁懷。黃花依舊倚籬
開，無意上雲鬟。戴碧天霞斂，晴空雁排。梧彫金井，蛩
鳴玉階。誰曾解把相思害。眉消遠黛，淚界粉腮。倚樓
遙望，沒書來。

粧臺懶整青鸞暗，鴛幃冷落綉衾寒。小爐獸炭且重

添你斷了金猊篆，妾身吳地郎居玉關，別時容易別
途最難，愁聞庭樹棲鴉亂，思量千遍，懊恨幾時，幾更
一點一心酸。

醉羅歌八首

閨情

陳秋碧

無形無影書難寄，不活不死病難醫，暮雨梨花近寒
食，問陌上人歸未，黛眉羞畫也，只為誰，羅裙寬掩也，
只為誰，鶯花咲殺人憔悴，鶯啼罷花又飛，安排腸斷
送春歸。

冷落冷落鞦韆架，謝却謝却海棠花，遊子經年阻天
涯，交變了龜兒卦，相如薄倖也不似他，玉魁短命也。

不似他山盟海誓全不怕臨行話都是假此時驕馬
繫誰家

問神問卜全無應行雲行雨總無憑好夢將成又難
成珊枕冷鴛衾剩風飄黃檠愁人厭聽聲喧鐵馬愁
人厭聽情濃那怕心腸硬星前誓月下盟半真半假
欠分明

怕寒怕冷扃朱戶無情無緒對紅爐漏點沉沉響銅
壺好難把長更度月明窗外照人影孤燈花檠上照
人影孤淒涼萬種和誰訴魚難覓雁又無年來音信
轉蕭疎

半薰半爇爐香換，半溫半冷綉衾寬。往事攢來萬千
般，向靜裡閑思算。枕邊私語，蒼天怎瞞。星前咒誓，神
明怎瞞。他非我是，明批判量不盡，填不滿相思。惡海
正瀾漫。

半明半慘燈兒焰，半舒半皺翠眉尖。舊恨新愁兩相
兼。天付與，咱獨占。憑魚托雁，霜毫懶拈。描鸞刺鳳，金
針懶拈。調朱弄粉，情都厭。簾初下門，半掩落花飛絮。
惹憎嫌。

眉兒淡了，誰揪問，被兒閑了，自倚遍。闌干望行
雲，全無有，真實信。口傳言語，也不真。夢中歡聚也。

不大真多應誤落烟花陣。迷歌扇戀舞裙。共誰相伴
倒金尊。

坐裡臥裡頻顛審。魂裡夢裡苦追尋。杜宇無端惱芳
心。血泪把花梢沁。翠翹金鳳也不待簪。穠花艷朵也
不待簪。相思更比前春甚。回文句。疊字錦。情多費盡
短長吟。

排歌四首 閑怨

喬臥東

野渡扁舟垂楊亂。鷓鴣。可憐春在天涯。看看落盡海棠
花。又見鴛鴦睡。煖沙腸。堪斷。病轉加。恨人何事苦離
家。情無限。夢轉賒。覺來紅日又西斜。

枕列珊瑚，裊鋪簟紋。愁看消盡爐香。
門咫尺，關山勞夢魂。春無剩日，未曛落
花飛絮正。紛千行，淚萬疊雲。不知何地，再逢君。

鐵馬簷前，終宵驟風難禁。嚮過簾櫳，朱絃聲靜錦屏。
空，淚滴羅襟。恨轉濃，吳山外，楚水東。一番風雨，寂寥
中。書一紙，意萬重。行人臨發，又開封。

鬢落金鈿，寒侵綉幃。江梅已放南枝。天涯海角，有窮
時。此恨綿綿無了期。風塵遠，信息稀。雲橫秦嶺，馬遲
遲。篷窗月，茅店雞。板橋霜跡，路東西。

前腔五首 閨情

沈青門

數盡花開人猶未還，羅衣漸覺生寒。相思日夜枉熬煎。料想歸航隔萬山，青燈下，皓月前，只求頻向夢中圓。神迷亂，思渺漫，誰知偏是夢猶難。

日煖樓臺，花香綺羅，隔簾偷覩嬌娥。多情一種是秋波，可愛身才軟，玉搓臨朱檻，立翠莎。戲將桃瓣打鸚哥。眉輕縱，步懶那無端，幽思柰春何。

綠颺鶯梭紅翻燕塵，小樓人倚殘春。杏花開後到如今。暗覺相思病漸深，風前絮水上萍，傷情愁賦白頭吟。消香暈，褪粉痕，不禁長日黛眉顰。

鳳嘴銜鈎，蝦鬚彈簾，金爐篆冷沉烟。無窮斜倚綉床

前斷紅絲懶再穿，心勞攘思掛牽，不知人去幾時。
選花銷粉，柳褪綿，杜鵑聲裡又春殘。

別酒歌殘，離亭影斜，不堪回首天涯。傷心無語，臉烘霞。青泪淋漓透絳紗，牽衣袂頻嘆嗟。斷腸泪眼霧中花。陽臺遠，楚岫賒，月明江渚有蘆花。

月兒高四首

閨情

烟鎖垂楊院，日長綉簾捲。人靜鶯聲細，花落重門掩。
薄倖不來，羞覩畫梁燕。天涯咫尺，尺咫尺，情人遠。路阻藍橋，無由得見天。若是肯周全，除非是夢裡相逢。記我離情訴一遍。

慢折長亭柳，情濃怕分手。欲上雕鞍去，扯住羅衫袖。
問道歸期，端的甚時候。回言未卜，未卜奇和偶。唱徹
陽關，重斟別酒。酒除非是，解消愁。我只怕酒醉還醒，
愁來又依舊。

園苑飄紅雨，輕風蕩飛絮。有意傷春恨，無計留春住。
倚遍闌干，嘿嘿悄無語。雲山萬疊，萬疊空疑住。我的
情人，知他在何處。吁，欲待寄封書，爭奈水遠山遙，沒
個便鴻去。

鬢縮香雲擁，釵分小金鳳。為你多嬌態，惹起愁千種。
月冷黃昏，孤燈與誰共。情人悞我，我良宵夢盡角。

頻吹梅花三弄風，休吹入綉幃中。只怕惱動離情，教我相思轉加重。

九迴腸二首 題情

張靈墟

解三醒 一從他春思牽掛，到于今多少嗟呀。秋波冷，

橋下鎖春山，又阻巫峽。音書未托魚和雁，凶吉難憑。

鵲與鴉，成話靶。三學士當時鏡裡花難比，更那堪塵

掩菱花。佳人已屬沙吒利，義士今無古押衙。惡三鎗

只索向無人處，把鮫綃看。見盟言在不覺，泪如麻。

一從他相逢月下，歡娛事能有幾些。眉來眼去，情傳

話，覺春心一點如麻。恩情只望長廝守，風浪誰知起

衆花擔驚怕，想前生曾欠鴛鴦債。今世裡合受波盡，
倒做了鏡中鸞影。波中月，夢裡幽期風裡花。誰知我
意中愁，心中想，閒中客，獨坐小牕紗。

解三醒四首 寫恨

中分榭主人

恨寬家恁般薄倖，竟全如爐內藏冰。幾回銷却風流
興，說甚麼雨和雲，比不得佳人有。意郎君俏，倒做了
紅粉無情浪子村。真堪哂，真堪哂，終不然同行阮肇
不比劉晨。

全沒些柔情美話，一味的對鏡咨嗟。誰知變了當初
卦，對面處隔天涯。真個是落花有意隨流水，因甚的

流水無情戀落花，休相訝，休相訝，從來是賤人戀賤。
不愛文華。

數宵來幾曾同睡，嘆殷勤枉了蜂媒，將錢買得多憔悴。
慙憑宋玉，對秋悲，却不道夜深水冷魚遊去，好咲我。
滿載空邀明月婦，應須悔，應須悔，從今後不如斷却。
祇自銜盃。

本是個秦淮古渡，却翻成織女天河，溝渠明月心空付。
如此景，媿蹉跎，那些個酒逢知己千鍾少，只落得。
話不投機半句多，誰怜我，誰怜我，平日間詩情酒量。
此際消磨。

正宮

玉芙蓉四首 四景閨情

李日華

殘紅水上飄，青杏枝頭小。這些時眉兒淡了，誰描。因春帶得愁來到，春去綠何愁未消。人別後，山遙水遙，我為他盼歸期，月轉海棠梢。

新荷沼內翻，雨過瓊珠亂。對南薰鶯啼燕語，心煩。蛾眉感損春山淡，瘦減腰肢憶小蠻。人別後，千難萬難，我為他盼歸期，倚遍玉闌干。

東籬菊艷開，金井梧桐敗。隔窓聞瀟瀟夜雨，傷懷薄。情羈絆天涯外，鴻雁來時書未來。人別後，朝晴暮雨。

我為他數啼期，跌縱鳳頭鞋。

漫空柳絮飛，亂舞蜂蝶翅。隴頭梅又早，開了南枝。春情欲寄皇華使，幾度停針，腸斷時。人別後，朝思暮思。我為他數啼期，搗損指尖兒。

前腔四首

春思

沈青門

簧調學鳳笙，臺臥栖鸞鏡。倚珊瑚，剝枕多少傷情。流鶯啼斷紅窓靜，翠冷金鴛六曲屏。因春病，春愁未醒。怎禁他夢魂中，偏送賣花聲。

桃花玉面顰，柳帶金心鞦。解鸚裘，笑買歌底春風。紅香酒瀉玻璃甕，舞罷霓裳月未中。人歸去，樓臺幾重。

怕寒侵擁嬌娃屏護錦芙蓉
 烟籠杜宇魂露養梨花粉夜深沉春路樓臺細細銀
 缸火燼收紅暈帳底鴛鴦睡正溫應無限情迷意昏
 怎禁他戀東風一片軟巫雲
 相思病轉添寂寞傷春斷錦絨梭挑就向有誰傳無
 情怪殺天邊雁空向南來又北還呀呀的遙投玉關
 他背西風擺成愁字把人看

中呂

駐雲飛六首

閨情

門掩黃昏人比梅花瘦幾分
 寶鼎香微燼翠幙寒成

半兒誰共捧金尊、暗自消魂、獨擁重衾、把他閑評、論
半兒風流、一半兒村、

夢到陽臺、又被鶯聲喚覺來、錦被餘香在、珊枕春猶
解、猜多因戀花街、共誰歡愛、寶髻慵梳、花也無心戴、
一半兒鬢鬆、一半兒歪、

懶上粧樓、恨似春江不斷流、淚濕紅鴛袖、香冷黃金
獸、休終日為他愁、恐成虛謬、等到黃昏、冷落初更後、
一半兒無心、一半兒有、

數盡歸鴉、那裡貪歡不到家、獨立垂楊下、月上葡萄
架、嗟、一時間語言、差變成虛話、啗著名兒、喚子裡低

低罵一半兒真情一半兒假

命裡合孤等到春來魚雁無燕子樓前過芳州他邊
渡嗟教奴想當初送別南浦知你不來怎放雕鞍路
一半兒傷心一半兒苦

恐怕擔驚辜負嬋娟月下等惹起相思病險害奴性
命嗟結髮這恩情一言已定誰想如今心口不相應
一半兒推辭一半兒肯

前腔四首

相思

楊升菴

暗想嬌容疑是瑤臺月下逢鳳枕鸞衾共蝶粉蜂
重濃何處最情鍾分散西象會少離多天也將八月

水遠山長處處同

暗想嬌情一咲回頭百媚生
兩點秋波淨八字春山
映卿別後冷清清獨守長更
泪雨難晴一枕和愁聽
隔個窓兒滴到明

暗想嬌羞往事牽情不自由
帳薄燈光透寒峭花枝
瘦沐一日比三秋人在心頭
兩字相思鎖定雙眉皺
殘夢關心懶下樓

暗想嬌媿家住成都萬里橋
歸鳳求凰調比玉如花
貌妖無福也難消泪染紅桃
欲寄多情魚雁何時到
若比銀河路更遙

前腔四首 題情

楊升菴

暮雨朝雲，終日思君不見君。半點心間悶，一寸眉峰
恨。人寬褪，綉羅裙。消瘦肌膚，怕見傷人問。鏡裡朱顏
減二分。

惱碎柔腸，只為風流窈窕娘。兩意相親傷，百種嬌
樣傷。織女共牛郎，隔個天河。夜夜遙相望，點滴難禁
玉漏長。

半幅香羅，千里慇懃寄素娥。情意天來大，休看人
破哥。泪眼費摩挲，望斷雲山。鴻雁全無個，悶坐書齋
恨轉多。

俊俏冤家、模樣教人盼望殺、並枕通宵話、一刻千金
價、咱人遠路途賒、有信難通、只落得心牽掛、悔不當
初不遇他、

前腔七首

出家

沈蓮池

恩重山丘、五鼎三牲未足酬、親得離塵垢、子道方完
就、嗟出世大因由、凡情怎割、孝子慈孫、好向真空究、
因此把五色封章一筆勾、

身似瘡疣、又為兒孫作遠憂、聞說燕山竇、今日還存
否、嗟畢竟有時休、摠歸無後、誰識當人、萬古常如舊、
因此把桂子蘭孫一筆勾、

鳳友鸞儔恩愛牽纏何日休活鬼喬相守緣盡還分手
嗟為你兩綢繆披枷帶杻覷破冤家自去尋門走
因此把魚水夫妻一筆勾

富比王侯你道歡時我道憂得者多生受失者憂傾
覆嗟淡飯是珍羞衲衣如綉天地吾廬大厦何須構
因此把家舍田園一筆勾

獨占鰲頭漫道男兒得意秋金印空如斗聲勢非常
久味多少枉馳求童顏白首夢覺黃梁一咲無何有
因此把富貴功名一筆勾

學海長流文陣光芒射斗牛百藝叢中走斗酒詩千

首、綵錦綉滿胸頭、何須誇口、生先眼前、半字不相救、
因此把蓋世文章一筆勾、

夏賞春遊、歌舞叢中、樂事綢心、性迷花柳、棋酒娛親、
友、茶眼底、逞風流、苦歸身後、可惜光陰、懨懨空回首、
因此把風月襟懷一筆勾、

前腔六首 秋江

胡全卷

燕子磯頭、恍似當年赤壁遊、葉落山容瘦、風起江聲、
吼、秋色自清幽、月光依舊、欲覓尊鱸、故國空回首、
且對江山豁醉眸、

獨上江樓、要識青蓮、即我儔、劍氣冲牛斗、文思憑尊

學書集選三月十七日
酒秋楓葉冷颼颼鴻飛尋偏此際應
伶獨在深閨守
莫漫臨風學楚囚

泛泛輕舟何處琵琶似訴愁
泪温青衫袖霜點潘郎
首秋水色接天浮微茫楚岫
宋玉空悲沈約無端瘦
不若陶潛歸去休

廊廟先憂難比忘機水上鷗
試把簫聲奏莫遣砧聲
轉秋高枕聽江流魚龍駭驟
覓得支機世有君平否
會看明珠象因收

送別優游紅葉題詩謾自謳
風雨來何驟正是銷魂
候秋紈扇篋中投寄書何有
願得扶搖人挹江山秀

遊取嫦娥轉故丘

為憶杭州湖上芙蓉開正稠。老我漂零久寄滯。秋
友秋好景且須收。共開笑口自信江湖滋味都。風
月衿懷足浪遊。

前腔四首 秋思

胡金菴

玉露金風一枕淒涼半夜鍾。難就陽臺夢。徒望秦樓
鳳唳。空壁叫寒蛩。將人斷送。起剪銀缸。試把琴三弄。
只有知音井上桐。那得知心江上逢。

書寄婦鴻楚水吳山幾萬重。已做悲秋宋。難效彈冠
貢。髮白髮滿青銅。可勝帶重風雨瀟瀟。料得情相共。

紅葉無緣得再通，鐵馬無端不住攻。

誰剪丹楓爭與寒鴉舞，碧空鱗興真堪動。菊計無由種，嗟湖海嘆飄蓬。琵琶聲送，泪濕青衫，腸斷成何用。依舊萍踪西復東，無柰鄉心散復叢。

聚散匆匆，記得桃花逐水紅。忽又吳霜重，未許紅爐共，茶雲樹隔重重。榮樓目縱，便有金尊難繼新豐。此際應將客味窮。此際誰知，歸興濃。

前腔一首 自嘆

胡全卷

病裏愁中，凜凜何當遇朔風。對雪無花共，止酒恰杯空。嗟無福，度窮冬。歷勞冗冗，老景歲徒，往事渾如夢。

試看陽春不日逢。

南呂

七犯玲瓏四首 四景

祝枝山

香羅帶新紅上海棠，猛然情慘傷。前春有個人共賞。

梧葉兒今日在何方，早把春心蕩。免教人斷腸。水

怨細思量，誰真誰謊。自古佳人薄命，恨燒了斷頭香。

皂羅袍想桃花也會帶劉郎，恨遠山無計留張敞。花

陰月影，看看過墻朝雲暮雨，睡覺夜長。桂枝香捱得

今宵過明朝，又怎當。非惡鶯兒對燕子雙飛來飛去

為誰忙。黃鶯兒偏不到伊行。

芭蕉映粉牆，綠陰清晝長。炎天倍覺心悒快，獨坐倚南窗。小雨消煩暑，晚風生嫩涼。見池塘、鴛鴦兩兩，世上有情都配，偏我不成雙。碧紗幮鬆透，玉肌香，珊瑚鈎，悞觸冰絃響。浮瓜沉李，共誰舉觴。調脂弄粉，為誰晚粧。懶向金盆浴，盈盈自解裳。腰如柳體似霜，無人同試紫蘭湯。空惹舊心狂。

金風透鎖窓，不禁羅袂涼。秋來怕上危樓望，舉目總堪傷。衰柳垂寒雨，敗荷欹曉霜。咭叮噹、簷前馬響，最苦今宵更漏，一似去年長。覩銀河織女會牛郎，想嫦娥一樣情惆悵。從來孤鴈傳書，故鄉緣何今日。滄海

半行、想是恩情薄、非干路渺茫、芙蓉老、菊蕊黃、蕭蕭
風雨又重陽、越越減容光、

江梅綻早芳、雪花籠錦堂、孤眠分外寒威壯、怎不細
思量、想起他身上、不知寒與涼、懶梳粧、當時模樣、憶
昔千般簇擁、不是負心郎、枕邊廂、開却綉鴛鴦、擁香
衾、撒下紅羅帳、淺斟低唱、當年洞房、山盟海誓、何時
象床、忽見燈開蕊、尤聞鵲遶梁、朝朝拜、夜夜香、伊還
歸也、謝穹蒼、願得永雙雙、

紅衲襖四首

男送別

中分榭主人

我本待時與你做個鸞鳳儔、又豈料你為風波過別

舟恨殺那沙吒利有所謀，怎忍得王昭君成遠遊。想
昨宵酒量兒賽馬，周到今日泪珠兒學楚囚。何能負
得押衙也，使我團圓過百秋。

聽一聲催着去，頓生出萬斛愁。問一聲幾時歸，最苦
是難自由。你雖然相約在春時候，我只恐到其間又
逗遛。莫怪着疾分離，不聚頭。只怨着晚相逢，空握手。
兩下裡休負恩情也，試看浮萍水上流。

為甚麼傾蓋間情便投，只因你重文才有兩眸。只指
望便從良同作偶，誰承望為冤家辭帝州。想着你對
雲山思未休，撇得我倚書窓。程暗籌，可憐辜負春宵。

也如醉如痴病怎瘳

最苦是朱淑貞春恨悠最苦是沈休文病腰瘦你若
約愆期是心猿未肯收我若另追歡是盟言不應口
休得要被傷人笑語稠也只要自留神圖長久若還
遇有征鴻也先把音書且寄修

前腔四首

男責女

中分榭主人

為甚麼却相逢半語無也應是日既遠日漸疎你把
我相思滋味都辜負我把你到底恩情錯認初再休
題男子每薄倖多女娘家水性多今識破縱然另有
個得意人兒也怎便把我相看等路途

我也是風月場一丈夫我怎肯假溫存中你圖你賺
是有新人忘了我只落得弃舊迎新奈咲何我做了
載明月歸棹孤你做了抱琵琶別處過罷罷從今收
拾痴心也把往日盟言一筆塗

只道你歲寒情耐得風與波不道你狠心腸似狼虎
空指望駕鵲橋夜渡河誰承望水滄斷藍橋路
人談笑道誰執柯這羞慙好教我難避躲無魚
垂釣也又恐似今番將畫餅沽

想着你戀新人也未必堅不磨試看你少不得
在那時節兩頭失鹿從何逐便悔殺誰甘再臨

逐水的花信是難結果，狼子的心終是難收伏。不
仰天長笑昂昂也，把慧劍揮開心上魔。

前腔二首

自嘆

全道人

我也是鐵錚錚一丈夫，我怎肯沒來由做個酒色徒。
我待要把機關都打破，我待要把塵氛盡掃無。你莫
笑龍游涸沼多艱苦，你莫笑鳳侶鴟梟少助扶。終有
日苦盡甘來也，試看收成勝厥初。

你休得逞炎涼在輿途，你休得翻雲雨故賤吾。我也
曾輕財重義把綱常補，我也曾仗勇驅奸把世道扶。
我不是流連一去無回顧，我是個砥柱中流有琢磨。

看從來海水難量也、任你紛紛白眼多、

懶畫眉四首 寫情

沈青門

東風吹粉釀梨花、幾日相思悶轉加、偶聞人語隔窗紗、
不覺猛地渾身乍、却原來是架上鸚哥不是他、
危樓日暮彩雲生、十二闌干獨自凭、嘹嘹何處雁啼聲、
暮然感起我扁舟興、不覺得心到江南杜若汀、
胭脂落盡玉瓶花、不覺晚日低窓爇翠紗、房櫳偷啓
靜無譁、只見他春風滿臉、臉推托、教我半晌難禁兩
臂麻、

錦亭中驚覩玉飛仙、粉臉堆春髻影偏、嬌歌一曲韻清

國好似風搓不斷驪珠串，暗覺得羞却啼鶯翠柳外。

前腔八首

男邊閃

收春主人

娘行何事薄情多，只得含羞柰爾何。點埃填井枉奔波，早知今日先支我悔殺當初不閃他。

只因錯認渡銀河，誰料中途風與波。將人情義摠相辜，一時懔懂把聰明誤。棄李尋桃惹笑多。

巧言真是弄簧梭，又抱琵琶別處過。空教事業被蹉跎，浮雲變態能叅破。怎得飛飛入網羅。

不須題起那妖魔，只落得青衫泪染多。一場春夢入南柯，蕭條此際誰怜我。義士難逢古押衙。

勸君何苦廢工夫，此處無魚另有河。看他不久又風波，那時切莫重回顧。豈是無端小丈夫。

沙君有力奪嬌娥，韓子無聊擊筑歌。一番懊恨怎消磨，心頭不覺炎如火。直欲披雲訴大羅。

無情笑語隔天河，贏得清閒自在多。孰為親愛孰為疎，到頭終是難成果。那保亨衢無坎坷。

追思風月是吾徒，不合相酬恁樣疎。仰天長笑有如何，從今斷却冤家路。譬似當年未見呵。

一江風三首 三元

解元郎，六翮連雲長。三試羅賢網，棘圍開才湧。湘流

葩藻呈天象，九秋丹桂芳。九秋丹桂芳，風飄兩袖香。
宴鹿鳴，豪氣三千丈。

會元郎，三汲桃花浪。一震雷聲響，禮闈開鳳翥鸞翔。
際會風雲壯，瞻依日月光。瞻依日月光，披拂御爐香。
名和姓，喜見魁春榜。

狀元郎，獨對丹墀上。首聽傳臚唱，杏園題看遍長安。
轉過平康巷，宮花耀日光。宮花耀日光，綠袍稱體長。
醉瓊林，從此輸忠讜。

前腔一首 男相思

中分樹主人

別離多人，向忙中過悶。豈尊前破鎮朝昏，無緒無聊。

誰與同歡臥見月憶嫦娥見月憶嫦娥盈盈泪似梭
不知他可也曾思我

前腔一首

燒香疤

中分榭主人

鳳鸞交兩下情相好無異珍和寶對靈神海誓山盟
願得同諧老香疤臂上燒香疤臂上燒休將恩義拋
虧心的自有天知道

楚江情四首

四景

東風綻海棠三春艷陽嬌紅嫩綠百媚粧珠樓寶殿
奏笙簧也金尊瓊釀銀壺玉漿花前笑語成醉狂花
底歡娛須把情懷放悠悠唱慢腔悠悠唱慢腔纖纖

斜月朗，賞玩在花亭上。

雕闌蔭葡萄香，樓臺畫長。披襟送暑，風漸涼，坐來新月
掛垂楊也。淺斟低唱，簫吹鳳凰，紗厨夢醒，頰玉觴，翠
袖殷勤，滿奉葡萄醖。榴花綻錦，蕖花綻錦，蕖花
弄晚粧，賞玩在池亭上。

金風送晚涼，梧桐葉黃。呀呀寒雁三兩行，菊花綻蕊
吐芬芳也。草蟲悽愴，流螢耀光，冷清清露兒將降，霜
明朗朗。中秋月似銀盤，橫筵前泛玉觴。筵前泛玉觴，
花前舞翠裳，賞玩在南樓上。

梅花滿樹芳，飄來暗香。長空瑞雪風力揚，漁翁罷釣

在寒江也、溪橋銀澗、山林粉粧、華筵綺席、開畫堂檀板、輕敲白雪、雙歌唱、龍團茶味長、龍團茶味長、羊羔酒興狂、賞玩在銷金帳。

黃鍾

水仙子一首

歸樂原作風入松慢

歸來重整舊生涯、草菴兒不用高和大、會清標不在
奢華、帟糊窓白、木榻掛一軸單條畫、供一枝得意花、
自燒香、重子煎茶。

新刻羣音類選清腔卷七

新刻羣音類選清腔卷八

虎林 胡氏 文會堂 校選

越調

浪淘沙六首 道情

綠竹間青松翠影重重，仙家樓閣白雲中，隔岸紅塵
飛不到，水浸寒空。

此景與誰同，口口仙翁，素琴彈罷倒金鍾，笑傲煙霞
無一事，明月清風。

一箇主人翁，住在靈宮，無形無影亦無踪，鐵眼銅睛
觀不見，體似虛空。

出入不通風，天地難籠被。吾擒在藥爐中，運起周天
三昧火，煅鍊真空。

我有屋三間，住在深山。四無墻壁堵遮欄，萬象森羅
為斗拱，瓦是青天。
不漏數千年，也是前緣。一朝功行滿三千，降得活龍
伏得虎，方表神仙。

前腔十二首 道情

胡全菴

因病攪年華，願學仙家。從今戒却酒和花，遇着人來
無禮度，髻挽雙丫。

拂子手中拿，世事由他。閒來唱箇浪淘沙，識破從前

無遠見萬事都差

談笑作生涯趣味偏賒披條鶴氅飽胡麻誰是榮來
誰是賤總是虛花

靜裡傲烟霞心更無邪客來唯有一盃茶紫陌紅塵
都是夢溺者堪嗟

飲食莫增加氣要清此園中學種邵平瓜開得花來
結得子老大堪誇

寵辱不須嗟光景如車莫將性命等蒹葭須要脫離
生死道快活無涯

終日苦巴巴我也怜他分明是個井中蛙何日肯隨

人指點養就靈砂

月裡捉蝦蟆，枉自磨牙，不如且自泛仙槎，落得飄飄無罣礙，看處為家。

正是一奇葩，莫誤韶華，工夫當自早圖些，誰道春天常朗霽，也有雲遮。

名利最堪誇，誰不波查，何如友鹿侶魚蝦，明月清風供我用，腹長嬰孩。音娃

睡起讀南華，鶴遶窓紗，又聞龍女撥琵琶，為問蓬萊差幾許，咫尺無差。

甲子自難查，春識桃花，夏來蓮萼色偏嘉，秋到籬邊

黃菊綻冬有山茶

商調

金絡索四首

閨情
前二首離後二首合

祝枝山

羞看鏡裡花，憔悴難禁架。擔閣眉兒淡了，教誰畫。最苦魂夢飛遶天涯，誰信流年鬢有華。紅顏自古多薄命，莫怨春風當自嗟。無人處，盈盈珠泪，偷彈洒琵琶。恨那時，錯認冤家，說盡了知心話。

一杯別酒闌，三唱陽關罷。萬里雲山，兩下相牽掛。念奴半點情，與伊家。分付些兒，莫記差。不如收拾閒風月，再休戀朱雀橋邊野草花。無人把，萋萋芳草，隨君

到天涯，準備着夜雨梧桐，和泪點長飄洒。

銀燈夜吐花，綉幙蛛絲掛。小玉傳言，端的他啼也笑。
吟吟一處來，飲流霞女子生，而願有家，論羞花容貌。
他憐我，算賽玉風流，我愛他，無人比。文鸞綵鳳，雙雙
美無加，不由人痛惜，輕憐鎖不住心猿馬。

今宵喜會他，一刻千金價。倒鳳顛鸞，巧手難描畫。說
不盡萬種羞，俏冤家。雨帶雲尤蝶，恋花金蓮不穩凌。
波襪髻散梳鬆，墜象牙，無人見。衾橫枕亂，放情恣交
加。自從今，雙宿雙飛，管偕老無休罷。

前腔四首

四景閨情

祝枝山

東風轉歲華，院院燒燈罷。陌上清明細雨紛紛下，天涯蕩子心盡，思家只見人歸，不見他。合歡未久，難拋捨。追悔從前一念差，傷情處，慊慊獨坐小窗紗。只見片片桃花陣陣揚花，飛過鞦韆架。

楊花亂滾綿蕉葉，初成扇翠蓋。紅衣出水新蓮現，金爐一縷微熱，沉烟睡起，紗厨雲髻偏無端。好夢誰驚覺，風外鶯聲柳外蟬，羞臨鏡，千愁萬恨對誰言。只見舊恨眉間，新泪腮邊，界破殘粧面。

閑堦細雨收翠幙，新涼透。衰柳殘荷正值愁時候，近來都減却，舊風流。爭奈新愁接舊愁，白雲望斷天涯。

遠人在天涯無盡頭，相思病無明徹夜。幾時休，只見雁過南樓，人倚西樓，人比黃花瘦。

銀臺絳蠟籠翠幄，金鈎控錦帳，紅爐獨自無人共。月明初轉過，小房攏不放，清光照病容。愁聽畫角聲三弄，吹落梅花，一夜風關山夢。魚沉雁杳信難通，孤眠人最怕隆冬。又值嚴冬，做不就鴛鴦夢。

前腔四首

四景閨情

東風妒物華，白糝紅飛下。蝶抱花鬚，不放香飄謝。恨才郎薄性兒，不思家，一似風颭遊絲難按掌。愁來添上愁兼病，半是傷春，半恨他從別後容光減。却臉邊

霞一任風捲楊花，雨打梨花，狼籍了荼蘼架。

薰風弄帳紗，展簟槐陰下，紈扇停搖，水閣涼瀟瀟。見
池塘水淺深，翠屏遮幾柄紅蓮，又吐葩看雙飛雙倚。
鴛鴦鳥，我隻影孤形，怎及他。從別後，碧筒誰共吸流
霞，辜負了映日榴花。向日葵花，空對着人孤寡。

西風送落霞，黃葉瀟瀟下，露冷芙蓉憔悴，難禁架。怪
絲絲雨又來，洒窓紗，撩亂柔情似落麻。朝來獨自開
香篋，寒到奴身，憂念他。從別後，鳳釵落盡鬢雲霞。我
為他瘦似黃花，羞對菱花，眉淡了無心畫。

朔風寒倍加，十二簾垂下，暗擲金錢，更卜箇龜兒卦。

相思與夢魂，遶天涯。路阻藍關，未到家。危樓獨上，凭闌久，只見密布彤雲，不見他。從別後，窓前幾見放山茶。不覺梅又開，花雪又飛花。越越的添幽雅。

集賢賓四首 題情

唐伯虎

紅樓畫閣天縹緲，玉人乘月吹簫。一曲梁州聲裊裊。到此際，離愁多少。青鸞信杳，魂夢斷十洲三島。春色老，看滿地桐花風掃。

春深小院飛細雨，杏花消息何如。報道東君連夜去。須索要圈留他住。金杯滿舉，怎不念紅顏春樹。君看取青塚上牛羊無主。

閒庭細草天色暝蕭蕭風雨清明萬斛春愁兼酒病
偏不肯容人甦醒殘花弄影明日是滿枝青杏金釧
冷羅袖上泪沾紅粉

窓前好花香旖旎藕花深處亭池碧玉闌干誰共倚
歎瞬息年華如水光陰撚指又早是破瓜年紀鸞鏡
裡細看來十分憔悴

黃鶯兒十首

閨怨

羅袖怯春寒對飛花泪眼漫無心拈弄閒簫管塵迷
鏡鸞愁埋枕山靡蕪草綠王孫遠倚闌干丁寧魚雁
風水路途難

寒食杏花天鳥啼忙人晏眠一簾飛絮和愁捲芳菲
可憐相思苦纏等閒鬆了黃金釧悶懨懨朝雲暮雨
魂夢繞巫山

風雨送春歸杜鵑愁花亂飛青苔滿院朱門閉燈昏
翠幃愁攢黛眉蕭蕭孤影汪汪泪惜芳菲春愁幾許
綠草遍天涯

孤影伴殘燈悄無言珠泪零濃霜打瓦鴛鴦冷淒涼
五更綢繆四星愁腸早已安排定恨才人長門賦裡
說不盡衷情

秋水蘸芙蓉鴈初飛山萬重行人道路佳人夢朝霜

漸濃寒衣細縫，剪刀牙尺聲相送。韻叮咚，誰家砧杵，
敲向月明中。

蝴蝶杏園春，惜芳菲、紅袖人東風。久說愁纏病，羅衣
懶薰檀眉，謾顰煙波魚鳥，無音信。夜黃昏，空庭細雨，
燈影照孤身。

殘月照粧樓，靜閣閣、燕子愁滿庭。芳草黃昏後，王孫
浪遊。光陰水流，梨花冷淡，和人瘦。夢悠悠，銅壺滴漏，
孤枕四更頭。

細雨濕薔薇，畫梁間、燕子啼春愁。似海深無底，天涯
馬蹄。燈前翠眉，馬前芳草，燈前泪。夢魂飛雲山萬里。

不辯路東西

燈火夜闌珊，綉簾風花影寒。不除釵釧眠孤館，心兒裡漸酸。口兒裡漸乾。此時愁比天長短，夢巫山雲收雨散，神女怨青鸞。

日轉杏花梢，送春歸，把酒澆行人。不念佳人老，青帘小橋黃鶯滿。聽天涯何處無芳草，路迢迢，離愁幾許，瘦損小蠻腰。

前腔四首

雨中遣懷

楊升菴

積雨釀輕寒，看繁花樹樹殘。紅塵滿眼登臨倦，雲山幾盤江流幾灣。天涯極目空腸斷，寄書難，無情征雁。

不到滇南

土弁州以此首為升菴夫人所作蓋奇升菴者觀其詞意近乎似也

夜雨滴空階，傷愁人枕畔來。鄉心一片無聊賴，泪眸懶揩。狂歌懶裁，沈郎多病，寬腰帶。望琴臺迢迢天外，懷抱幾時開。

霽雨帶殘虹，映斜陽一抹紅樓頭。畫角初三弄東林，晚鐘南天晚。鴻黃昏新月，弦初控。望長空披襟誰共，萬里楚臺風。

細雨濕流光，愛青苔綉粉牆。鴛鴦浦外清波漲，新篁送涼。幽芳弄香，雲廊水榭堪遊賞。倒金觴形骸放浪，到處是家鄉。

前腔四首 道情

楊升菴

早早脫樊籠，住蓬萊，東復東，紫芝白石皆清供，金門九重，太倉萬鍾，回頭看破黃梁夢，脫樊籠，洞天春永，歲歲有花紅。

早早破塵迷，住蓬萊，西復西，五禽三鳥同遊戲，登天險梯，乘流惡溪，寬閑儘有壺中地，破塵迷，洞天春霽，歲歲有鶯啼。

早早謝朝簪，住蓬萊，南復南，玄猿白鶴休驚怨，芝泥石涵，丹光蔚藍，三花樹下長相伴，謝朝簪，洞天春暖，醉臥九霞嵐。

早早換凡胎，住蓬萊。北復北，羣仙別後，長相待，蟠桃
又栽。琪花又開，都來笑我朱顏改。換凡胎，洞天春在，
重會上瑤臺。

前腔四首

旅店雨懷

夜雨滴空堦，聽聲聲到客懷。夢回孤枕愁無柰，風寒
怎捱。離情怎擺。想家鄉遠隔在雲山外，悶難排，更長
漏永，無復到陽臺。

風雨阻歸舟，柰舟中有客愁。無端風雨聲狂驟，聽風
聲在樹頭，送雨聲到枕頭。把一場愁悶都驚覺，悶無
聊，番來覆去，厭聽雨瀟瀟。

厭聽雨瀟瀟，雨纔收，雪又飄。把江山頃刻，聊遮罩望。
前程路遙，盼家鄉遠，拋幾多離思，縈懷抱。悶無聊，見
舟人報道，壓壞了舊蓬茅。

壓壞了舊蓬茅，聽舟人胡嚷鬧。怨天公，故作真難料。
風兒又亂撓，雪兒又亂飄。奈風寒雪冷，船難棹。好喫
饒，似撒鹽舞絮，遍地洒瓊瑤。

前腔六首

閨思

沈青門

鶯懶罷調簧，柳成陰，日漸長。春歸有個人，惆悵詩閒。
錦囊針，停綉床，相思暗把，濃愁釀。最心傷，隨風數點
紅雨，靜敲窓。

飛漾紫珊瑚，綉幃攢金鷓鴣，玉籠鸚鵡嬌聲度，茶糜綺疏，翟逾綉鋪，銀盆水浴，薔薇露，曉粧初，輕鬟咲臉，生就美人圖。

紅雨送前春，冷淒淒，別院深，落花滿地，青錢印，愁重幾旬，心牽那人，粉容憔悴，銷丹暈，最傷神，無情杜宇，啼遍野棠陰。

春事又闌珊，峭東風，苦弄寒，粉烟亂撲，荼蘼院，蜂兒陣攢，蝶兒對翻，鶯兒只管枝頭，嘯，好心酸，相思瘦減，獨自倚闌干。

玉鴨寶香噴，荔枝漿，翠碗溫，春酣綉閣人初困，紗窓

影陰、蘭膏焰新、犀紅枕冷、誰揪問、恨難禁、東風不管、
吹碎海棠心、

金井露生涼、染梧桐、葉半黃、傷情羞覩芙蓉放、衣殘
麝香、樓空盡梁、愁來暗覺如天樣、細思量、天猶較短、
酒比這愁長、

前腔四首

風花雪月

胡全菴

聲勢遍天涯、冷颼颼、度碧紗、歐陽夜讀驚簷馬、消停
遠槎、消磨好花、冷然御去疑仙化、慣飛砂、杖頭少女、
何處去尋他、

日涉趣如何、襲香風、鬪綺羅、春心一點狂蜂破、洛陽

品多、河陽興多、醉來常倚闌干臥、稱陽和、解將人咲
燒燭再高歌、

一夜朔風愁、看青山、盡白頭、瓊瑤世界誰粧、就剡溪
泛舟、寒江釣鉤、梅花尋得偏空酒、最清幽、杜門高臥
懶向灞橋遊、

涼夜把窓開、被嫦娥、闖進來、舉盃邀飲、真堪愛、我借
你懷、你惜我才、天香插處多豪邁、洗塵埃、長生有藥、
同與上瑤臺、

前腔四首

芭蕉夜雨

胡全菴

葉上幾聲敲、過黃昏、倍寂寥、陽臺路遠、人難到、銀燈

慢挑名香慢燒、隔窗流淚、天知道、好心焦、孤衾轉展、對鏡怯來朝、

敗葉戰秋霖、客鄉愁、故國心、可憐滴破無人問、青鸞信、沉青衫、淚零、一時事、憶當年、盡瘦伶仃、重陽將到、何處可登臨、

一點一聲愁、自空階、到枕頭、寒蛩助嘆吟、還聞同心、怎求焦、心懶抽、風流落了他人後、慣悲秋、家鄉何處、明日欲登樓、

風急泪痕多、似聲聲、打敗荷、窓前好個恹、惶我雲遮、素娥波、翻絳河、一宵不寐、真無那、慢消磨、樓頭鼓鼙

知是幾更過

山坡羊一首

憶美

胡德父

夜迢迢月明人靜冷颼颼枕閒衾剝夢悠悠陽臺路
迷病恹恹逆旅誰相問事不成飄飄度此生無端許
我許我諧秦晉閃得今朝番成蓋餅傷情半思卿半
恨卿吞聲過三更捱四更

前腔一首

寫恨

全道人

閃得我不甞不甞閃得我無聊無賴閃得我夢遶陽
臺閃得我魂飛在天外你怎該前言一旦灰轉轉思
量般般堪怪哀哉把鴛鴦竟打開哀哉把連枝生拆

開

山坡裡羊四首 題情

新酒殘花爭鬪寒，食清明時候，羅衣冷落，腰肢瘦。
個樣愁，何時有盡頭。剛能遣撥，遣撥還依舊，芳草
天涯人在否。綢繆胭脂憶舊遊，揚州琵琶水上樓。
燕子粧樓春曉，目斷三孫芳草，烟波曠蕩，曠蕩鱗鴻
杳。翠黛凋愁眉，怎樣描。東風賺得鶯花老，紅燭金釵
且謾敲。香消香消，一捻腰，迢迢迢迢，萬里橋。

嫩綠芭蕉庭院，新綉鴛鴦羅扇，天時乍暖，乍暖渾身
倦。整步蓮鞦韆，畫架前。幾回欲上，欲上羞人見，走入

紗厨枕泪眠，芳年芳年正可憐。其間其間不敢言。
明月梧桐金井，遊子風塵萍梗，紅羅斗帳斗帳新霜。
冷掩翠屏，斜身背著燈，燈前壁上形伶影。教我如何
捱到明，愁聽愁聽雁報更，低聲低聲數薄情。

大石調

權拍四首

落第

胡德父

對秋風，鏃羽難飛。做春夢，點頭怎期。時不利兮，時不利兮，三戰徒勞，半世羈遲。一事無成，兩鬢如絲。何日裡，挂折高枝，門第顯，姓名馳。

嘆囊裡黃金已微，看床頭寶劍失輝。季子空歸，季子

空啼人世炎涼足跡依稀刺股須勤射策堪支終有
日身上雲梯榮畫錦吐虹霓

問嫦娥情須槩施料孫陽目能識之風雲有時風雲
有時調鼎為霖補袞格非富貴難淫貧賤難移大丈夫
志氣如斯君莫笑我狂為

想他每鹿鳴咏詩也都是當年見遺努力休違努力
休違否泰循環可卜其機一任仇讐陷穽相欺仰天
笑懷抱怡怡頻命酒更論題

雙調

朝元歌四首

前二首思情
後二首會合

殘春晚春，桃杏飄紅粉。思君想君，常閉香閨寢。喜鵲無憑，燈花不準，瘦損羅衣寬褪。怕到黃昏，衾寒枕冷。誰與溫別後，杳無音。時時牽掛心，迴文織錦對誰訴。滿懷愁悶，滿懷愁悶。

因郎為郎，憔悴了嬌模樣。思郎想郎，引得奴心飄蕩。冷落難當，恨如天樣。寂寞人兒偏嫌，更漏長。他本是鐵心腸，我錯認做可意郎。山盟盡忘，再來時怎生輕放。怎生輕放。

因誰為誰，昨夜在誰家睡。瞞誰哄誰，你會誰不會。為你通宵不寐，我受盡人虧。你何嘗又逞風流，別畫眉。問你

如何准醉我已自明知，你還來辨是非。床前且跪打，
破你渾迷。啞謎渾迷啞謎。

初交乍交，我愛你情意好。長交久交，只怕你心變了。
前世姻緣，今生湊巧。咱兩個同歡同笑，似漆如膠。把
誓盟先設了，你負心天。喪早我忘恩，奴壽夭各人記
着。這誓盟有日相報，有日相報。

玉胞肚十二首

閨情

君心忒忍，戀新人，渾忘舊人。想舊人，昔日曾新料。新
人未必常新，請看金屋貯娉婷。寂寞長門，結網塵，
躊躇悶想，韻叮咚，砧聲過牆，把玉釵敲落燈花，怎支

吾此夜淒涼、一聲寒雁過瀟湘、月在南軒漏正長、
羅衣寬褪、半漬却啼紅、泪痕弄餘寒、細雨如絲、冷清
清、沒個溫存、春來何處最消魂、花落黃昏空掩門、

沒情沒緒、這悶懷終無了期、想從前萬種恩情、怎捨
得一時拋棄、教人徹夜費相思、夢見雖多相見稀、

薄情心變、頓忘了香囊翠鈿、只為他假話虛言、哄得
我意惹情牽、朝思暮想病恹恹、瘦損花容不似前、

銀河瀉影、度涼颼、花香細生、捱人間不盡離愁、猛擡
頭、又見雙星、月寒雲淡夜無聲、銀燭秋光冷畫屏、

危樓獨倚、恨茫茫、天空鳥飛、看落花片片、辭條、怎比

我萬千紅泪、玉關此去信音稀、一日思君十二時、
陌頭楊柳、猛撩人心中暗愁、沒來由、寡鵲孤鸞、悔教
他拜將封侯、春雲斷處是涼州、盡日凝粧、上翠樓、
綠窓低、俚看遊蜂爭喧、晚衙鎮朝昏、悞粉拋朱、平白
地、斷送年華、不知春色在誰家、昨日街頭賣杏花、
湘簾高掛、夢初回、紅日又斜、隔牆頭、鶯送鶯聲、問韶
光、可似天涯、春風吹遍故園花、臨到開時、不在家、
黃昏將傍、對孤燈、心中慘傷、向青鸞、把雲髻、重粧粉、
牆東月兒、初上偷開、金鎖出西廂、拜月亭前、燒夜香、
夜香燒罷、倩紅娘扶歸、綉房步、蒼苔轉過、迴廊、忽聽

得冰絃嘹唳琴聲哀苦一似鳳求凰莫不是那日相逢俊俏郎

前腔四首 題柳

安排青眼乍窺人渾如去年把斷腸春色携來染東風綠遍江南晚粧樓上杏花殘而葉烟條不耐看春雲遮映管別離年年灞陵使潘郎綠髻成絲轉頭來又是清明夕陽江上喚愁生遠寺紅橋酒幔青愁心遙送隔芳洲青青幾重想當年十五橋邊鎖高樓惱亂春風荒苔曾是舊離宮紅白花開烟雨中鶯啼時候最堪憐天晴雨收舞長條何處牽情映鞦韆

韉馬上墻頭，吳王臺下百花洲。一簇寒烟鎖翠樓。

前腔二首

前一首美人
後一首秋思

沈青門

綠雲堆髻，臉生霞脂，香淡勻，貼宮梅粉點初乾，染春
山翠烟猶嫩。臨風歡笑不勝春，疑是梨花月下魂。
寒庭秋老，粉香愁芙蓉半凋，競西風脆翦霜紅墮。瑤
堦不翻殘照，題詩欲寄楚天遙，泪血空沾白玉毫。

清江引八首

閨事

王西樓

玉釵冷來雲慢挑，按上昭君帽。窓前雪意濃，簾外風
寒峭。嫩花頭要將春護了。
右暖帽

蒙茸紫貂籠瑞雪，暗把春光借。一團白玉溫，兩朵桃

花熱透靈犀險些兒輕漏泄

右寒窠

輕衫短裁防過暑堪可包香玉鞦韆打罷時歌舞收
迴處濕浸浸似沾花上雨

右汗衫

凌波襪兒真個罕不肯教人看霜籠玉笋尖水浸金
蓮瓣隔紗裙幾迴偷抹眼

右暑襪

溫泉起來權護體帶濕雲拖地翻嫌月色明偷向花
陰立俏東風有心輕揭起

右浴裙

猩紅軟鞋三寸整不着地偏乾淨燈前換晚鞋被底
勾春興醉人兒幾迴輕撥醒

右睡鞋

玲瓏結成雙翠釵兒的弓鞋倩苔沾翡翠根露滾珍

珠面下瑤臺不愁春醉軟。右棕履

銀絲細盤雙鳳腦，緊束凌波鞞，青蓮兩瓣開，玉笋雙尖踦，踏青去來天氣早。右蒲靴

前腔四首 耕牧漁樵

王西樓

桃花水來如噴雪，鬧動村田舍，犁翻隴上雲，牛飲溪頭月，這其間祇堪圖畫也。

東風掃開郊外雪，草色連村舍，鞭敲柳岸風，笛弄桃林月，這其間祇堪圖畫也。

江湖老來頭似雪，釣艇為家舍，武陵溪上雲，西塞山前月，這其間祇堪圖畫也。

腰間銚磨光爛雪，山下白雲舍，滿身紅葉，一
松月，這其間，祇堪圖畫也。

前腔十二首 警悟

胡全蒼

鐘送黃昏，雞報曉，世事何時了，春來艸再生，萬古
空老，好嘆他忙處多閑處，少

春花秋月何時了，往事知多少，東風依舊，木只是容
顏老，試看他有幾人愁盡掃，

茫然世事如春夢，計較成何用，陰晴未可知，歡笑還
堪共，莫破他利和名空斷送，

人生南北如歧路，世事同飛絮，覆去又翻來，造化難

憑據想着他楚漢爭今何處

古來世事皆前定強弱都休論
機關打破他風月堪供興
誰似我未老時閑相趁

天涯海角若休閑捷足空教進
閑來退步時自是生餘慶
幸得我免了些災和釁

蠅頭蝸角虛名利總被天公戲
算來着甚忙不若潭教醉
一任我逞疎狂過百歲

嗟來吐去真堪怪識却前番債
從今尚可追一洗塵囂態
輸與我每日間無罣礙

道人未老心先懶脩竹栽教滿
客來隨分留醉了先

合眼身外呵不關心天自管

誰是高來誰是下命到都須罷商周亦久常秦漢何
強大豈料呵到如今成笑話

古今得失榮兼辱待足何時足誰貪萬里侯不愛千
鍾粟最喜呵醞的酒今朝熟

我即他來他即我忘却何不可盡情局內碁光景石
中火大家呵警悟些休瑣瑣

兩頭蠻四首 四景園志

堪憐甚愛倚定着門兒手托箇腮盼多才那亨囉弗
見了箇來好傷懷只見萬紫千紅明媚色桃花已更